

泰和縣志卷十五

列傳 按列傳本宜法史傳體前依世次立大傳其有專長者即歸各類如孝友義行文學各以類從原志既以孝友義行入正傳後又分各目體例似紛歧至惠恤中如建宗廟義倉修橋樑之類皆可書某人以某事著不必人立一傳此亦濫而有體之一法也然前人既有成規未便概行移易故前為正傳後為補傳附傳闕者諒之

正傳

南齊王 鷺 王虛之 匡昕

唐 郎 詠 羅 森

後唐 羅 韜

南唐 周 彬 蕭 瓚

宋 張景休 尹 絳 王 贊 弟貫子儀 王 億

泰和縣志

卷五

列傳 正傳目錄

周中和 蕭君玉 子迅 郭 佺 子之美 蕭 澤

嚴可及 嚴 震 嚴執中 弟安中 胡 衍 父龍

蕭良肱 曾 巖 蕭國鎮 張汝賢

張汝明 曾安辭 弟安止 曾安中 曾安強

曾 莘 曾 徽 曾 裕 王 球

劉敏求 蕭 楚 蕭介夫 劉鼎臣

嚴彥博 嚴 暎 周 噩 劉南立

劉在中 郭允升 劉 獬 陳千齡 兄九齡

倪良翰 蕭 瓌 弟琦 嚴致堯 蕭傳楫

曾 珏 楊 球 劉 過 彭惟孝 子一鳴

嚴 鄂 王 圭 倪師尹 子求

思

嚴康元

劉令猷

王化原

康職

蕭子蒼

劉奎

龍震翁

羅伯壽

嚴肅

劉子澄

蔡源

曾戟

蕭漢卿

曾如驥

劉澄

蕭明哲

彭呂

胡文可

胡文靜

劉仕昭

王士敏

蕭子安

父儀

蕭泰登

楊景行

元

陳先得

陳學禮

子道

蕭泰登

楊景行

子介遠

楊準

楊升雲

劉諤

蕭謙

劉萬頃

劉本泉

子克壯

楊天與

劉楚南

陳新

曾貫

康震

蕭景

朱思忠

蕭宏量

曾慶道

泰和縣志

卷五

列傳

正傳目錄

二

曾以文

楊復亨

曾伯昂

楊介

曾耕

楊美

尹成立

鄧學詩

尹存仁

子天

蕭顯聞

陳煥章

南齊

王鷺石陽人父喪權殯宅後火不能救投火死鄉人嘉其

孝共墓之且立祠祀焉

府志 乾隆志按通志石陽屬廬陵豫章書謂泰和孝子自鷺

始不審所據明一統志不載安志入南朝邑志入南齊通志從白志入隋今仍從府縣志

王虛之字文靜石陽人年十三喪母三十三喪父二十五

年鹽醋不入口疾病着床忽有一人來問疾謂曰君疾

尋瘥俄而不見所居之室每夜有光如燭墓上櫛一冬

再實庭中楊梅隆冬三實以爲孝感永明中詔榜門闕

其三世徭役宏治志 乾隆志按通志隋書地理志廬陵屬廬陵則江字當是陵字之訛再考宋躬孝子傳及豫章書又以虛之為廬陵西昌人與史傳異考石陽故縣為今吉水縣地西昌與石陽接壤故牽引並載耳又據宋躬孝子傳太平御覽以虛之為南齊人永明係齊年號前志俱作南齊人而康熙志俱作南齊人然永明為南齊年號無疑故附記於此以俟再考

匡昕字令先廬陵人有至性隱居金華山服食不與俗人

交母亡已經日昕奔還號叫母即蘇皆以為孝感所致

南史解叔謙傳後 乾隆志按康熙志稱西華山在縣十五里事見談藪補前志之遺 按王鷲王虛之二傳俱稱石陽人考石陽後漢與廬陵同為縣後升廬陵為郡改縣曰高昌而不陽之為縣如故也是時泰和曰西昌永和鎮曰東昌吉安曰高昌吉水東北二十五里曰石陽其疆理顯然可指晉時移府治於石陽至隋改石陽為廬陵改西昌為泰和二縣並無省併分析之說則凡所稱石陽人者自應載之廬陵志而非他縣所得冒

泰和縣志

卷五

列傳

正傳

三

唐

郎詠西昌人隱於樵時或採樵肩入城市遇人買則曰我

西昌逸士酒中人也我今獻公所缺公惠我所無康熙

乾隆志按康熙志稱郎詠不知何時人第據氏族大全姓源珠璣二書載於北齊郎基之後初唐郎餘令之前當是隋唐間人今仍之

羅祿為駕部郎從李德裕平澤潞上疏論河朔諸藩倔強

闍寺弄權數事命與令狐絢同議累官至尚書吏部侍郎

郎參知政事階銀青光祿大夫通志 乾隆志按通志

無龍泉縣名考寰宇記南唐保大元年析泰和龍泉鄉什善鎮地置龍泉場宋顯德七年升為縣林志以祿為

龍泉人者誤當書泰和人新志因補入今按平澤潞係
武宗時事德裕未嘗躬履行間森何山從之令狐絢乃
宣宗時宰相與德裕相讐森既從德裕出兵而上
疏乃與絢同議情事似屬舛錯始從省志仍之

後唐

羅韜字洞晦匡山人清修苦學隱居匡山長興間以文學

徵授端明殿學士引疾辭歸學者多從之遊乃建匡山

書院以居學者萬曆志明一統志匡山書院在泰和

後唐徵拜官以疾辭歸從遊益衆遂名其學曰匡山書

院王山遺響云韜建書院於山麓事聞勅賜匡山書院

命翰林學士趙鳳為扁題及卒門人私謚靜遠先生

附家傳云公諱韜字洞晦一字晦夫唐末清修苦學淡

於聲利隱居不仕南唐徵授長沙通判大有惠政賜勅

泰和縣志

卷五

列傳

正傳

四

朕惟三代盛時教化每由學校六經散後斯文尤託士
儒故凡闕巷之書聲實振國家之治體若前端明殿學
士羅韜積學淵源蒞官清謹納誨防機之歟尤協朕心
賞廉萃靈之箴顧存展席壽國養病遂爾還鄉後學雲
從館起匡山之下民風日善俗成東魯之區朕既喜聞
可無嘉勵茲勅翰林學士趙鳳大書匡山書院四字為
之扁題俾從遊之士樂有瞻依而風教之禱未必無小
補焉時長興三年八月日也及卒門人追思之私謚靜
逸先生稽是時學校之政未有修明士溺於詞章取具
應制公崛起以聖學為己任興起斯文垂老不倦雖著
述無傳其制詞實修實詣已可概見有宋道學
之盛公蓋與有開先之力云 逸名 康熙志

南唐

周彬和川人杜門讀書不治產業聞烈祖鎮金陵招辟儒

生彬因獻所習烈祖善之禪代後有事南郊彬著郊望

論數千言陳前古得失上之署諸衛巡官授大理司直

出宰和川為政廉平鄉里率化秩滿邑人詣郡乞留連

任七考

馬令南唐書按舊志謂和川即為泰和其說實誤豫章書人物志指為永新人者是永新置

縣於和山其所稱和川者或亦如泰和別稱澄江之類然不可以入史傳唐初分立永新縣至南唐百餘年矣二縣判然何牽扯至是因舊志已登姑仍之以俟後刪又乾隆志按通志稱白志引寰宇記謂唐高宗顯慶四年永新民以泰和道遠請別置縣於和山和川之名當在此時南唐仍而不改故彬為和川人即今泰和縣也豫章書人物志皆以為永新人者誤然唐書志並無和川縣名俟再考又安志云彬宰本邑時有爭訟者以理和解嗣主錫以銀章茜綬寵異之官至尚書郎

蕭瓚字君玉九洲人有至性廬母墓人稱其孝鄉里有爭

訟不詣官而詣瓚不直者聞風而返曰甯受刺史杖無

為蕭公知積官國子祭酒過家上塚適虔寇犯境瓚率

畦丁萬人掩捕畧盡璽書褒美及沒鄉人祀焉

宏治志

宋

泰和縣志

卷五

列傳

正傳宋

五

張景休字瑞麟坊郭人博學有才識事母孝邑宰戚綸勉

之仕年四十餘應舉中咸平元年進士授南陽觀察判

官居官廉潔育才薦賢手不釋卷考滿入獻新集數十

軸館閣知名復除荆南戎幕所持益謹薦者交章遷秘

書省著作佐郎除汀州長汀令以便就養丁母喪毀瘠

幾殞服闋改武昌崇陽令清白愈厲卒年六十餘

宏治志

尹絳雲亭人景德二年進士善詩賦為文學韓柳凡三應

舉始登第授揚州天長簿數月移懷甯居官廉明俸給

不充取足於家上官以其勤幹多委按覆著能聲遂監

院口輪納百姓利之終衡州通判有文集行世

萬曆志

王贊字至之坊郭人天禧間登第歷邵衡連彬四郡幕官

監興國大冶茶場兼知縣事皆有聲監益州軍資庫擢
知開封尉氏縣時章獻后垂簾中人擅權贊密疏以聞
中人歛戢提舉江淮廣東榷鹽上課召還通判信州嘗
閱帳籍得隱沒官物數百萬因條上鈎考之法著爲令
慶厯初選知道州以遏蠻寇蒙璽書褒諭召除殿中侍
御史乘傳赴闕奏對仁宗稱旨尋除天章閣待制兼知
諫院條陳時政得失多見納用間因奏事退上顧謂左
右曰五方異稟若南士而有燕趙之氣王贊是也贊論
事婉順能移人主意中貴王守中以儲邸舊人驟遷重
職臺諫累疏不納及聞贊一言遂寢未幾置天章閣直
學士選名臣首以命贊卽拜河北都轉運使時其父牧

泰和縣志

卷五

列傳

正傳

六

以贊善大夫致仕母潘氏安定郡太君皆年餘八十贊
故懇辭上曰欲卿諳厯邊事行且召矣遣使就第賜牧
及潘緋魚冠帔又賜內帑緡錢百萬已而以親老求便
養得洪州未至進丁內外艱服除擢京畿轉運使久之
遷龍圖閣學士移高陽關路軍馬都總管兼安撫事知
瀛州築高陽關及謹關市嚴譏禁邊防隱然得鎮守之
體英宗踐阼進給事中知陳州上章引年遂以禮部尙
書侍郎致仕神宗卽位改戶部侍郎贊厯仕三朝尤被
仁宗眷遇知貢舉賜御書博學二字將漕節賜安民二
字及帥瀛州宸章罷行未竟其用士論惜之弟贊宇一
之以贊廕爲安福主簿子儀由薦舉官至殿中丞監廣

津庫 萬歷志

王億贊次子字昌齡以廕當得官辭以待族之貧者皇祐
己丑贊知禮部貢舉億以別頭進士中甲科仁宗見其
狀貌偉異顧宋丞相庠曰甚似王贊贊叩謝歸拜家慶
四親具存極一時之榮知開封府酸棗縣歲凶設法賑
濟境人以安贊以憂歸廬陵恩除億僉書吉州判官事
遇姻舊有恩而法不可犯轉殿中丞通判永甯軍前後
帥有訟久不直委億一言而服贊既歸老億得請知袁
州袁於吉為隣億熟其俗訟清教舉使者以最績聞而
億以侍養得請通判吉州尋權知三司勾當公事以卒
官至職方員外郎 萬歷志

泰和縣志

卷五

列傳

正傳 宋

七

周中和改名中復信實鄉爵譽人天聖二年進士知英州
有善政官至屯田員外郎其里有三大夫中和其一也

宏治志 曾鞏送周屯田郎序云士大夫登朝延年七十
上書去其位天子官其一子而聽之亦可謂榮矣然
而有若不釋然者余為之言曰古之士大夫倦而歸者
安居几杖膳羞被服百物之珍好自若天子養以燕饗
飲食鄉射之禮自比子弟袒裼鞠脆以薦其物諮其辭
說不於庠序則於朝廷時節之賜與緡紳之禮於其家
者不以為朝則以夕上之聽其休為不勤以事下之自
老為無為而尊榮也今一日辭事返其廬徒御散矣賓
客去矣百物之順其欲者不足人之羣嬉屬好之交不
與約居而獨遊散棄乎山墟林莽僻巷窮閭之間如此
其於長者薄也亦曷能使其不歉然於心耶雖然不及
乎尊事可以委蛇其身而益間不享乎珍好可以窒煩
除薄而益安不去乎深山長谷豈不足所以易其庠序之
位不居其榮豈有患乎其辱哉然則古之所以殷勤奉
老者皆世之任事者所自為於士之倦而歸者顧為煩
且勞也今之置古事者顧有司為少耳士之老於其家
者獨得其自肆也然則何為動其意耶余為之言者尚
書屯田員外郎周君中復周君與先人俱天聖二年進

士與余舊且好也既為之辨其不釋然者又欲其在
處而樂也讀余言者可無異周君而病今之失矣
南豐集

蕭君玉字器之禾溪人世有隱德天聖間歲饑發廩穀以
便糶鄉有疫癘必親饋藥并撫其家卒葬流源皇祐四
年冬甘露降於墓松七日員外郎王固聞之屬知縣林
肇按視肇盛露送郡適郡中燕賓和露酒中味如餠飴
在宴者莫不稱賀表聞朝廷嘉異付史館記之子筠州
推官迅因建亭於墓道曰甘露宏治志

郭佺舊名僅雲亭鄉人景祐元年與子之美同登進士名
冠於朝故名其里冠朝佺終河南府通判後贈太常博
士之美官屯田員外郎上書言強國富民事辭藻瞻蔚

泰和縣志

卷五

列傳

正傳

八

天子壯之特差通判定國軍編修國史選集賢學士之

美父子故有讀書臺在層溪上

宏治志

按豫章書郭佺父子登第時永豐董

洙父子亦同科進士里諺云董洙三父子郭佺兩爺兒

乾隆志

蕭澤字說之瓚五世孫嘗魁國庠直講范鎮奇其才處以

經學職事有王侍郎者以邑子用事力欲薦之以官澤

曰是子欲以脂澤污我耶即拂衣歸

宏治志

按王侍郎當即王贊

嚴可及世家建康僞吳時徙泰和縣北大街性孝友有二

弟一庶出不慧父母存日已不齒父母沒可及析產為

三曾起庫質錢令一族弟主之一夕火燼族弟驚欲自

盡可及救止之曰錢固可繼何至是翼日相地營庫仍

出本如數付之數年大獲與兄弟極歡鄉里嚮慕號為

義門 萬曆志

嚴震一名寬可及次子登慶歷二年進士任常州推官充
漕司考試有錢公輔者名士也時以士有特招為題震
覽其賦中有崛起蒿萊句擊節曰必此人也置之首薦

震褻身端潔在官以薄自奉稍有餘輒分給族之貧者

宏治志 乾隆志按
通志嚴震一名宣

嚴執中安中並震子兄弟齊名為時儒宗執中字子權以
累舉得官調洪州新建簿時丞相趙鼎參政李光相繼
帥江西皆力薦之而執中毅然請老歸遂放意文字間
箋經勘史為講說訓其子姪里中士爭趨之安中以禮
經居上庠未成名卒 清熙志

泰和縣志

卷五

列傳

正傳

九

乾隆志按宏治志稱執中歸里後與玉谿老人蕭瓌松
菊老人劉敏求楞嚴居士劉申文溪翁曾邦榮為五老
之集從容詩酒以樂餘年蓋仿香山社會而起者也
按選舉載執中為崇甯壬午解試距元符戊寅止隔五
年科分傳疑尚不甚遠趙鼎李光繼官江西俱在宋紹
興間則執中為南渡初年人可知舊府縣志牽連五老
之會內如劉申乃元初人相隔百數十年殊屬附會此
乾隆志語也考劉申珠林人紹聖三年舉鄉試與執中
正同時人乾
隆志誤辨

胡衍字昭叔信實鄉人父龍夢網於陂得珠一顆母張氏
復夢天兩桂葉以裾承之遂生衍及從學父為傾貲奉
賓客一日有客猝至母親執爨春衍欲代其勞母速之
出時以比陶母云慶歷中再舉擢第任保昌簿移高安
尉獲偽造者格當賞衍曰殺人得賞非吾願力求
活之遷真陽令時嶺南無田之民例輸身丁米衍為言

於外臺部使以聞得免知武甯縣有兄弟爭產者屬旁
邑官致書以白金千兩遺之衍焚書却金卒直其事神
宗卽位陞屯田員外郎卽進白嶺南民患二事上嘉納
之知湘陰縣擢知容州以年致仕衍性夷曠內外洞徹
所至以循良稱退居二十年讀書綴文藏書萬卷多所
手錄黃庭堅嘗造門借書目其詩有曰手鈔萬卷未閣
筆心醉六經還荷鋏卒年八十六著有松陵退居集
蕭良肱王山人爲虔州理掾虔化縣捕獲兇寇二十五人
良肱爲雪其無罪者九人杖十三人薦充三司法直官
終廣東檢法官宣教部宏治志

曾巖文溪人後更名肅字温夫居父喪廬墓慈烏來巢省
泰和縣志

卷五

列傳

正傳

十

試不中遂不仕黃庭堅號曰清高處士盡力以教四子

後以子安強貴贈宣教郎宏治志 按曾巖卽曾肅舊志另有曾肅傳語句與巖傳

同蓋一采西江志一采宏治志故爾重出今訂正

蕭國鎮字安國坊郭人少力學五舉中第嘗仕臨川幕官
適五羊上供銀銅過郡太守許亢物色其弊密訊之得
十五卒盜銀者以付國鎮曰是有賞格宜盡心國鎮核
實皆有生理獄上亢怒曰汝故滋長奸偷耶吾併案若
矣國鎮曰情法如此甯自獲罪忍以十五人命資一已
利乎堅不從亢愈怒卽具奏俄而旨下嘉國鎮用法平
恕而亢能察奸兩加慰諭十五卒得不死陞衡州倅有
衡山令李昂者以事忤上官意國鎮力雪之昂後厯通

顯果藉藉有聲國鎮歷柳州高州太守以朝奉郎致仕
一子登科一子累舉推恩一子以廕得官 萬歷志

張汝賢字祖禹東城人登熙甯六年第初為贛縣簿有雙
生子爭長幼者郡不能決訴於朝委之汝賢汝賢以先
生為長因達上聽入為御史臺主簿與中丞舒亶奉事
殿會上有所顧問亶未對而目汝賢汝賢辯析如響上
器之先是上夢江南進一長弓帶弦問汝賢鄉貫姓名
正與夢合於是驟加擢用尋權侍御史除福建按察使
元祐初再除江淮發運副使取道持節過里鄉人榮之
官至丞議郎直龍圖閣尚書左司郎中卒葬儀真 宏治志

泰和縣志

卷五

列傳

正傳

七

會蔡氏當國汝明憤疏曰臣觀京中書執政卜樞密秉
兵文武兩權盡在弟兄之手一旦不虞措社稷於何地
臣竊為陛下危之時服敢言大觀初召充學制局考貢
得人特旨除御史兼殿中侍御史大臣憚其介直移司
門員外郎政和中出知漢陽軍而卒 萬歷志 按舊志
漿不入口者三日病羸行輒踣夢父授以服天南星法
用之果驗所著有易索書張子扈言大究經汝明性至
孝其母蕭氏病疽數醫不效
汝明刺血調藥敷之而愈

曾安辭安止並肅子安辭三舉不第亦不仕安止既登第
恥同學究出身願再舉復登戊科詔升甲科為江州彭
澤令致仕歸自號屠龍翁言技成無所用也會作禾譜
以示蘇軾軾愛之答以秧馬歌 秧馬歌入金石
宏治志

曾安中字舜和肅第三子後更名嶧字彥錫未冠登第調
新淦尉徽宗初詔求直言安中以不克終爲戒及上時
宰書言大臣當以至正之道佐人主時蔡京用事計塞
讜言籍諸所上書以爲謗遂出安中爲清川丞以弟安
強事坐罪尋以言幽事忤王徽遭禁錮終身

萬曆志

曾安強字南夫肅第四子八歲賦白鷺詩其外殊潔白俯
風臨清流其中乃貪穢盡日魚蝦求識者已知其有清
修嫉惡之志登乙科調舒州法曹會母喪歸途值江漲
舟遇石將摧篙工計急欲遷之小舟安強以帛繫樑誓
與俱溺俄有駕大艦者救之船裂得免服除爲潭州司
理差權內香藥庫有旨出局中西乳香市之安強執不

泰和縣志

卷五

列傳

正傳

五

可恐生後患時躋其言除提舉成都府路常平入對謂
惟公勤可以張綱紀惟廉惠可以律貪惰上然之至成
都民訴旱求決灌口水者以千數問其故曰官司憚修
築且恐水決陷及州縣安強曰民旣急矣吾當獨任趨
詣水所恣百姓疏決僚吏復申前議安強曰吾已任不
累公等矣數日諸郡水告足富者捐財壯者出力仍築
塞之士民刻石江上號均水記先是廬肆多火無以瀦
水安強至按地爲溝三百所或病之俄登城得斷碑發
視乃張尙書詠疏渠積水記中一一如所經畫遂復舊
上供繡作院歲科民戶出錢雇男女雜作監守者黃緣
隱匿安強奏乞散令製造立限送納從之州歲下縣織

花羅一疋費七十緡吏輒市一取十以饋權要安強檄有司具上供實數曉諭使戶知之遂絕額外之擾嘗過僧寺見暴骨不葬多遠宦無歸者因差官編詣境內錄得三千餘柩悉葬之一夕夢數千人泣拜而去當是時朝廷歲遣中貴督上供物帛官吏傾意奉承有鄧述者挾持尤甚安強疏其事徽宗怒斥述不復用會廉訪王竦與述昵以蜚語中遂謫監耀州涇化縣酒稅未幾主管舒州天甯萬壽觀會戶部儀羅東南粟百萬上意欲集事而不擾顧左右未知所對上曰曾安強可即除河南常平既至斥部吏不法者數人又值權貴有所請託安強治之愈峻乃風言路以游辭彈劾居七月而罷卒

泰和縣志

卷五

列傳

正傳

三

於家 萬曆志

曾莘字決野元豐八年赴省試因貢院火試卷盡焚莘因兩舉不第號浮邱道人母病篤割股和藥進之愈世稱其孝 宏治志 按府志孝友傳載莘疾革謂其弟萃曰其死也若休其生也若浮故稱浮休舊作浮邱誤 曾徽字景文累舉不第更名文倚博通經史時號書庫元豐末試禮部以樂出虛為論題徽驚曰頃夢上帝奏鈞天今試題乃爾殆非偶然午漏未下已就自期前選俄禮部火有詔覆試焦蹈魁焉時蔡卞典貢舉徽謁之卞曰子文合魁多士不幸遭火命也再試又弗遇遂削跡

場屋 宏治志

曾裕字公綽熙甯中井邑大饑裕獨散緡錢以給無告明

可殺學不可辱無禍吾春秋銓後以諫議顯楚有力焉

初楚既聘邑富家子其父母背盟將改嫁之女聞自縊

楚義之誓不娶晚年銓延至家塾卒葬其里赤岡上其

所著經辨於朝私諡為清節先生宏治志 按萬曆志 稱紹聖間楚以母命

預螺川賢書不中禮部程留太學尤喜春秋著經辨衆

高之謂必名家爭相師事焉胡銓撰墓銘云江右有

隱君子曰蕭子荆諱楚號三顧隱客父仲舒死以甥從

羅公括學攻苦二十年任意不汲汲紹聖間以母夫人

命預螺川賢書不中禮部程留太學時方較聲律已獨

窮經於春秋尤深秘淮海孫氏伊川程氏皆以三傳聞

爰業者常千人先生往質疑焉歸嘆曰政未免着文字

相作經辨衆高之謂是將名家乃更北面會母老且蔡

氏欺國將為宋王莽誓不復仕解得之驚今始證其不

狂常游巴峽歐粵氣愈豪放其寓於詩文者鉤章棘句

反閒淡清古然種種譏切不苟作自漢唐迄今家春秋

者且千概癖於傳而先生斷以經弟子百餘人傳春秋

大義者纔三四如賢良方正趙暘與澥其人也澥尤忠

泰和縣志

卷五

列傳

宋正傳

五

鯁名天下初王氏出新學廢麟書士媚進無大畧靖康

改元澥驟見任亟與丞相吳公敏白上詔可之復置學

官議蓋先生出晚以其餘授銓幾十稔偶登甲科為春

秋第一歸拜牀下先生曰學者非但拾一第止耳身可

殺學不可辱無禍吾春秋乃佳異時有友坐誣繫大理

獄至充聲纒數不少郵及見善談不釋口暮年依明德

江陳公及與先君伯重為方外友以累免應得官不屑

屑就大臣約薦之朝度不可強亦已建炎四年十月二

十四日以疾終清風滿床文字橫斜而已享年六十七

下十一月庚申葬於永樂鄉赤岡之原門人續臨且挽

因以清節易先生名嗚呼士窮節乃見不幸不生孔子

前與叔同卒可嘆也初先生壯未有室或以無後勸

蕭介夫字純臣性疎放為文援筆立就英宗朝中鄉舉以

恩免特奏授主簿嘗作鄉進酒歌有百年歲月能幾時

螢燭光中都瞬息我今安得萬丈梯騰騰直上天街墀

之句人爭傳頌謂可比玉川子茶歌官終萍鄉簿宏治志

按宋時有特奏名一科凡五舉終場者雖未登第附其名於正奏名後即賜出身如今日限年歲貢銓注選格

法之

劉鼎臣字和之坊郭人紹聖進士初任南安軍大庾縣簿

又攝吉水尉嘗上書言十事用事者惡其切直指為元

祐黨羈錮累年遇赦乃轉登仕郎授雩都令終南安軍

知錄紹興初黨禁解凡黨人子孫例許自陳而其家亂

後文字散失無所考據遂止士論悲之宏治志

嚴彥博字文益居鄉以德義稱博極羣書尤邃於理學雅

好修煉著內外丹圖訣政和間詔求遺書使者聞名訪

泰和縣志 **卷五** 列傳正傳

焉見其童顏翠葆與語奇之遂狀其道術并所著圖訣

上之自號葆真居士宏治志

嚴暎字思晦安中子養高不仕一時名士遣子弟從游時

胡銓上書乞斬秦檜遭貶斥雖親舊絕跡往來而思晦

遣子萬全求婚故其沒也胡以詩挽之有卜肆塵埃思

讀易釣臺煙雨想沉竿之句宏治志

周噩字敦書信實鄉爵譽人儻有器局事親孝登大觀

三年第終平陽令雖踈足百里而部使長吏爭挽其長

清熙志

劉南立字伯強珠林人文名重一時與族弟在中嶽秀稱

珠林三傑官至宣義贛州興國尉宏治志

劉在中字伯正珠林人政和進士報捷日在中鋤圃聞之
弛笠謝恩雖衣冠儼飾而笠繫之痕猶宛然可見官永

州錄事參軍 人物志

郭允升字彥信金灘人由上舍登政和二年第為越州諸
暨縣尉廉約有聲改袁州兵掾丁母憂服除慨然流涕
曰祿以養親也親沒矣何宦為於是洒掃故廬日對黃
卷暇則杖履野服逍遙溪上其友工部侍郎郭孝弟數
移書勉之出授永州零陵宰時蠻獠擾民允升至未久
服相率羅拜庭下丞相張浚潭帥劉昉永守郭璋合奏
於朝改知潭州安化縣境內舊多虎害允升蒞政未幾
虎遁去已又移知諸暨暨邑素號繁劇府庫歲計數萬

泰和縣志 卷五 列傳 正傳 七

名存實亡皆右姓黥胥相與為弊上下官吏行文書而
已前令坐不職罷去者相望允升按庫籍一切以法繩
之不半歲輸者踵之府庫充積境內大治卒於官 萬曆志

劉獬字去邪為衡州司法官歲饑民犯法有司悉論以死
獬為再三申理得從末減以補兵闕太守怒碎節目擲
諸地獬拾歸補以進守意釋然諸繫皆全活卒為善兵
為東流令當兵火之後繕民居修學館治傳舍期年復
承平舊規改宣教郎知衡州衡陽催科有體不督而輸
知筠州上高訟簡官閒轉承事郎通判德慶府未至官

卒 宏治志

陳千齡柳溪人承逸七世孫也兄九齡通易以累舉得官

調南海簿弟百齡曠達不羈再舉禮部不中卽幅巾間
巷以詩酒自娛千齡性雄邁讀書過目成誦下筆千言
初爲韶州曲江簿有潮陽令以軍事犯贓上司欲窮治
之而格於權貴勘官掣肘時司諫韓璜領憲事檄千齡
推鞫援救者踵至夜餽以金不受至問得實遣報璜盛
氣待之千齡徐白始末且言令以趣辨軍務得罪初非
入已璜覆勘得實令得末減璜旣喜其無私而當途亦
嘉其平恕尋陞虔州司法參軍虔守劉昉入境迂者皆
不受謁獨延請千齡待以客禮蓋昉嘗過嶺南具聞潮
陽事因爲延譽諸司陞從仕郎甯鄉令昉後卹長沙待
之加於前由是薦者交章未及改秩而卒

宏治志

泰和縣志

卷五

列傳

正傳
宋

六

倪良瀚字祖德事親孝敬事寡嫂加謹撫孤姪交內外族
姻皆得其懽心紹聖間兩薦太學皆占上游崇甯舍法
興亦屢中魁選政和初詔舉八行州縣復以良瀚應詔
當時士大夫莫不愛重之

宏治志

蕭瓌字國器高行人爲詩雕琢精妙善眞行書人爭慕之
自號玉溪老人靖康建炎間糾合義兵勤王境內劇盜
多所平定以累舉授泗州文學不赴有詩千餘篇名玉
溪集先是建炎丁未中秋太守方以北谷王待制李龍
圖在郡大設宴集妓張樂以誇令節托瓌作詞遂作滿
庭芳諷之太守見詞悵然遂罷會時坐中有一悅者會
有旨凡宴不得用妓樂大服其言弟琦字國寶官至國

學秘書

宏治志

嚴致堯字正之岳飛受鉞專征道出廬陵致堯一見語合許以從行初龍泉賊帥彭友等盤踞四年攻破入縣至是就縛奏凱而還其後定鼎澧安湘漢取唐鄧復郢隨致堯皆在軍中屢委以事積功版授七階方將長驅宛洛而武穆罷兵柄矣致堯無以白杜郵之寃歸而自放山水間自號龍洲居士有文集三十卷

通志

蕭傳楫字功濟王山人讀書好禮篤於義方嘉定間授登仕郎子夢元夢吉夢良端甫姪夢得皆以科第顯時稱蕭氏五桂云

曾珏字天錫孝友敦樸有古君子風對客論文賦詩圍棊

泰和縣志

卷五

列傳

正傳

九

命酒陶然自適讀書涉獵百家始自得於老佛氏晚聞正學講探幽渺頓改故意既得疾即告訣人怪之珏曰死生如晝夜不足多憾索酒三飲之連呼曰吾逝矣聲絕而卒見文天祥墓志

萬曆志

楊球字叔球博文廣識爲世所重嘗建書院於清溪授徒講學闡揚道義當時學者有所疑義必走質焉

萬曆志

劉過字改之以所居地自號龍洲道人宋南渡後以詩俠名湖海間陳亮陸游辛棄疾世稱人豪皆折氣岸與之交宰相周必大聞其名欲客之問下不就性喜飲酒爲文章豪放英特如登多景樓有山外青山樓外樓之句及斗酒彘肩風雨渡江詞至今傳誦叩闕一書請光宗

過宮辭意剴切尤爲中外推許嘗以書干用事者陳恢復方畧謂中原可一戰而取不聽晚家崑山無子旣死貧不能葬知崑山州事潘友文主簿趙希懋買地馬鞍山麓葬之并立祠東齋之側每歲三月縣令丞率人士致祭所著有龍洲集宏治志舊志按萬厯志稱過上欲航海抵崑山友人崑山知縣潘友文留宿焉尋卒於崑山不能葬縣主簿趙希懋以友人賻錢三十萬買地馬鞍山葬之

彭惟孝字孝求月池人博學有文議論鯁挺與周必大楊萬里相友善甯宗時必大薦之朝惟孝詣闕論時政獻賦一篇甯宗奇之拜官不受納勅歸隱以詩書自娛明堂覃恩子一遇授龍安簿一鳴一遵授迪功郎致仕

泰和縣志

卷五

列傳

正傳

三

愚擢進士第授武仙尉陞來賓令有治行宏治志

嚴鄂執中孫字士明倜儻好義孝宗初詔求直言鄂上書萬言極論世事旣又作邊防龜鑑七十卷太守王佐薦之朝會東宮正位又奏太子頌一篇淳熙初江西旱民乏食鄂首發廩減直濟民又勸富家出穀數賑之遠邇賴以全活萬厯志按宏治志載鄂同姪萬全捐修道義門是鄂本姓嚴也通志作劉鄂誤乾隆志土圭字叔可性至孝事親承候顏色衣食不經手不敢進父卒哭幾喪明平生無所不學學者稱爲虹溪先生理宗弟封榮王嘉其文行辟掌府箋翰注爲國子生得封其母爲孺人母沒喪葬如禮廬墓三年而後去宏治志

倪師尹字德一刻苦好學一舉登第初任英州獄掾往時

獄掾兼理公庫太守周彥輝以命師尹不可則引例而折之師尹曰三寸固存吾安問例嶺南州郡獄具大率苟簡師尹更革損益一以新書從事適鄉人嚴康元爲韶州錄參移書質之分寸纖悉如式師尹無書不讀尤長四六嘗投啟太守趙不積有云片言可以折獄非曰能之一介不以取人固所願也不積稱賞累日子求已登淳熙間第與邑人嚴萬全同修邑志宏治志 按人於任貧無以歸其同官助之妻嚴氏泣曰吾夫廉忍累之乎力辭不受則其妻固亦賢婦也又萬應志載王旻毆婦姚氏兄姚光救之遂毆旻致死師尹謂救妹而殺人其事可原欲活之獄未具而卒其事疑舊本之誤今之削

嚴康元字自中坊郭人高宗建炎薦舉風流秀整操履端

泰和縣志

卷五

列傳

正傳 宋

三

正弱冠游賢關偶傳邊警遂束書南歸時端明殿直學士胡直孺帥南昌以孫女妻之奏補迪功郎韶州錄參有僧告其徒謀變連染數十人鍛鍊將成康元力爲辨析全活甚衆部使者首加獎薦後爲會昌臨湘兩縣令撫仁柔懲奸暴掃弊去蠹潔已便民改朝奉郎潮州通

判而卒

宏治志

劉令猷字辰告獬子幼穎悟年二十五中鄉舉明年登第授婺源尉再調贛州興國簿調常德府觀察判官先是任興國吏齎金來迓却之任常德地號險阻爲部使者所委奉檄奔走不辭嘗考試宜春江陵號稱得人宏治

按萬應志稱令猷爲常德府推官薛受進退有父風 乾隆志

王化原贊之後登淳熙五年進士初爲新淦簿時缺令化原亦以禮法治之人憚其明治聲翕然遷鬱林州司法其俗頑獷化原撫之以恩凡有獄訟必誨諭不改然後用刑人皆知感既去思之宏治志

康職字景材紳溪人烈四世孫博通經史爲鄱陵令廉潔自持藉藉有聲弟景明以經明行修辟潯州同知宏治志

蕭子蒼功濟從孫淳祐六年鄉薦德祐乙亥文天祥提兵贛江辟臨江軍司戶補迪功郎宏治志按宏治志又稱科舉錄無子蒼名止

有蕭應角疑卽其名也 乾隆志

劉奎字幼文邦昌孫自幼穎悟讀書過目成誦年十七領鄉薦又五年登第初授大庾簿再辟雩都令更授宣教

泰和縣志 卷五 列傳正傳 三

郎甯鄉令累轉朝奉郎通判濠州未行而卒其宰甯鄉北兵逼城奎修城調兵靡有遺失時制帥苦軍儲不給奎以縣帑奇贏千緡上之爲諸邑倡至於決疑獄周饑民興學校計軍實俱有善政臺省交章薦之萬曆志

龍震翁甘竹人性孝母歿未葬山寇焚掠火其居震翁夫妻俱抱柩死死處有枯梅明年六月作花事聞理宗旌其門曰孝梅里又御製詩曰南風六月吐梅花奇絕西昌孝子家一點落英千古月夜來啼殺後棲鴉通志

羅伯壽東城人習舉業工八韻有聲嘗刲股起親疾事聞表其所居之坊曰旌孝後爲廬溝簿趙孟頫贈以詩曰江西水清石鑿鑿士生其間多異才今去歐黃未爲遠

要須力挽古風回 萬歷志

嚴肅字方子東城人嘗著易說十四卷咸淳中丞相馬廷鸞江萬里為獻於朝徵為秘書省校勘到官數月即自免去學者稱朴山先生後人於其居建朴山書院元揭傒斯為著嚴先生碑 宏治志

劉子澄字清叔一字玉淵仁善龍塘人嘗為匠簿知棗陽後較畫史匡軍事為賈似道所貶少負俠氣劉將孫稱其有史才論文嘗欲出韓柳歐蘇上居趙葵幕府席上賦鹿分韻得方字云世間此物多為馬寶劍還宜出上方又賦雪得蠅字云自怪神仙騎白鳳不教天地點青蠅諸皆絕倒壯歲為建安真氏門人後隱廬山所著有

泰和縣志 卷五 列傳 正傳 宋 三

王淵榮及平淮疏補史行於世 萬歷志

蔡源字深甫坊郭人登寶祐四年進士與文天祥同榜歷官司農少卿湖南安撫使當時葉夢鼎李芾文天祥皆為其舉將葉嘗銘其母夫人之墓 萬歷志 按康熙志今西門蔡家園東門

蔡家巷皆其故址

曾戟中慶元五年童子科里有洲因戟名神童洲楊誠齋萬呈贈以詩曰吾黨曾童字叔榮八歲文科試童子舌端九經若翻水屬句方員超阿泌精神玉雪照人寒骨格麟鳳夾道看金殿前頭奏篇了一日風雲生羽翰又嚴杞鄧有興中嘉定間童子科與曾戟俱未仕卒 萬歷志 蕭漢卿仙槎寺下人幼穎悟通易經寶慶間領鄉薦任甯

州學正侍郎鄧光薦嘗稱之曰以謹重持身以謙遜受益以寡默爲道卒於官

宏治志

曾如驥字德稱文溪人登淳祐進士歷宜春大治簿尋改江東安撫使機宜文字少傅呂文德尙書吳革都丞李芾列劾於朝陞寶慶通判會守缺奉命攝郡事歷階朝奉郎時李芾鎮湘潭相約爲援德祐二年二月元人克潭州芾死節湖南諸郡皆降於元且聞臨安迎附人情洶洶驥呼弟如駿曰吾起書生官省郎從二千石後今攝郡事誓與此城俱亡然不可絕先人祀汝亟歸弟泣別去遂取考功印紙題其上曰謹將節義二字結果印紙一宗了却神遊何處澄江明月清風八月元兵自長

泰和縣志

卷五

列傳

正傳

五

沙來大書舍生取義章粘置齋壁兵將入城衆請迎驥叱之乃登城赴濱江自沉死數日得尸江中殯於太平寺北將義之退兵三十里俟葬畢乃入城景炎元年詔褒節義之士贈敷文閣待制賜諡忠愍至今祠焉

萬歷志

劉澄字定伯爲詩曠達類晉宋間人善談名理意有所至輒於詩發之嘲咏賞笑興出物外性嗜奕飲酒可一二斗酒酣浩歌或投冠袒裼旁若無人或鼻息雷鳴徑臥坐上與文信國天祥友善一日過天祥極論時事詰且無疾而終天祥哭之三日不能止澄家計甚薄粗了伏臘有贏錢卽爲供具以樂賓客投轄無虛日所著有前

村稿

萬歷志

蕭明哲王山人字元甫貢士剛毅有膽氣明於大節從文信國天祥於汀梅督府幕及出江西以督幹架閣監軍監贛縣義兵收復萬安縣尋復龍泉天祥敗明哲入野陂連結諸寨拒北軍爲鄉賊所陷被執遇害於龍興臨刑大罵不絕口南北軍壯之

宏治志

彭呂字景望月池人幼孤勵志於學以明經舉爲虔州濂溪書院教諭元兵陷虔棄官入廣從文丞相天祥死焉子方拙質直不阿號月溪處士

宏治志

胡文可字可山高行人其先祖箋紹興中由太學生擢南城丞文可以任俠雄鄉里有謀畧便騎射文信國天祥起兵勤王文可與參謀議禮爲上賓先夕天祥夢火明

泰和縣志

卷五

列傳

正傳

五

日文可衣緋衣謁軍門與語甚喜曰殆天以資我耶號之曰夢炎天祥敗文可亦被執間得脫歸卒於家

宏治志

胡文靜字靜山文可弟先授提督時無敢拒北兵者拒卽屠之太和已歸元乃招致文靜堅志不撓言甯死不負

趙氏卒屠其家

康熙志

劉仕昭本針工元兵入泰和仕昭與鄉人同謀興復旣敗嚙指血書帛云生爲宋民死爲宋鬼赤心報國一死而已

自縊而死

宏治志

王士敏景炎二年與劉仕昭謀復泰和軍敗爲元兵所執入獄慷慨不撓題其裾曰此行無復望生還一死都歸談笑間大地盡爲腥血汗好收吾骨首陽山臨刑嘆曰

吾恨疾失聲不能大罵耳宏治志 按康熙志作黃土

萬歷志云景炎間丞相文天祥與勤王之師一時響應者莫多於泰和今存而可傳者五人而已此五人無尺土之寄一旅之威乃捐軀以殉社稷豈有所為而然抑暇計其事之濟否哉忠義之稱蓋自古記之矣乾隆志

蕭子安仙槎石岡人父儀鳳宋舉漕貢子安為王府掌記

從文丞相天祥舉義事敗覆其家楊東里文集 按子安死事之烈與六忠

同梁潛石岡書院詩序謂當時死難之家其子弟懼禍往往諱言之遂使忠義不得表暴於世今應補祀祠中使潛德幽光不終湮沒而不彰也因書以俟

元

陳先得字辰翁柳溪人早歲擅聲場屋代革科廢賦詩自

適詩率冲澹淵永所居僅蔽風雨有隙地輒蒔菊為娛

學者稱菊存先生年四十薦歷萬安甯都永新興國贛

泰和縣志

卷五

列傳

正傳

宋

美

縣五學教諭陞瑞州路西澗書院山長至六十名上中

書部注將仕佐郎贛州路教授致仕年九十四卒萬歷志

陳學禮字季立先得子貧而力學攻醫常懷藥濟人至元

中以薦為瑞金縣學教諭轉梅州學正學有田見侵於

徭獠學禮按籍取之有懷金謝者却不受陞廣州府學

教授徒步赴官至則復侵地覈隱租大新學校陞贛州

司獄贛州獄具酷械牀以石為之學禮易以木夏備漏

浴冬給薪炭衣食其饑寒訖官三年無一人病死者獄

有雩都人因守禾為盜挾去劫人事覺坐罪學禮為白

其寃未幾陞瑞金縣尹詒簡徭輕民以休息時郡守政

尚嚴峻屬吏無所容獨重學禮尋以贛州路推官致仕

卒年九十子道子貧而能學以帥府檄分教始興新興
東莞三學遷韶州學正所至有聲改潮陽教諭未赴任
卒 萬歷志

蕭泰登字則平高行瀘源人曾祖逢辰泰登弱冠時試吏
丞丞豐遷湖南道儒學提舉江西行中書省以名聞擢
承務郎僉海北廣東按察司事會有獠賊逼城眾惶懼
失措泰登卽上馬出將吏驚馳獠遂遁去因按所部與
獠通自守令以下咸抵罪又建減韶州賦銀之半悉條
海北積弊躬詣臺言之至元三十一年遷兵部郎中使
安南時安南已失藩臣禮聞有詔使疑懼相半泰登諭
以朝廷恩德歸所盜邊地二百里遣使奉表貢獻謝罪

泰和縣志

卷五

列傳

正傳

七

還報授連州知州未拜丁憂服除起爲江西儒學提舉
僉嶺南廣西道廉訪司事陳便宜二十五事柳州左道
謀叛論死者二百人泰登錄之而釋不知情百三十有
七人他所辨雪不可勝數凡黜貪謬又二百一十八進
階奉直大夫拜南臺監察御史建言十事大德七年分

按江浙卒於驛舟

萬歷志

楊景行字賢可城東人元延祐二年進士授會昌州判官
會昌之民不井不陶所居以茅覆之飲則於河故多疾
癘火災景行教民井飲而瓦屋前患乃消有豪民號十
虎置之法修學舍禮師儒勸民斥腴田以膳士絃誦之
聲遂盛調丞新州判改江西行省照磨轉宜黃縣尹理

白寃獄數十事陞撫州路推官行縣理獄人頌無寃金谿民陶甲屢以厚賞陷長吏吏不敢詰暴於一郡景行痛繩之徙五百里外有僧雲住發故官塚取財物事覺官吏受賄緩其獄獨畏景行賂當道以危言撼之一不顧卒治如法由是無敢犯者轉歸安縣尹年七十以翰林待制朝列大夫致仕卒有五子介遠仁準毅皆有文行介字公望遠字公辰仁字公榮準字公平毅字公武善騎射與介同應達監州辟禦寇境上有保障功仁長而未有子景行命遠子美爲其後後以美子士奇貴四人俱贈柱國晉少師兵部尚書兼華蓋殿大學士

萬應志

楊準字公平景行子履行修潔嘗從學吳文正公澄文章

泰和縣志

卷五

列傳

正傳

天

高古爲虞道園集歐陽圭齋元推許危太朴素尤敬服之時修宋遼金三史諸公薦之不就號玉華居士

人物志

楊升雲字雲衢景行姪學問淵博爲文章頃刻千言江西左丞郝天挺舉爲瑞州路學正既登第授信州貴溪縣丞居官正直不畏強禦天師張恃寵驕縱爲民患升雲以法繩之不少貸張喉當道誣謫之降陝西鈔庫官明年御史廉得實白於朝改新淦州判鋤奸植善志不少挫州有強盜十餘人無有能殄之者升雲捕送上官故縱之遂棄官不復出

宏治志

劉諤字公榮幼時學聲律比長涉獵諸子百家每謂學者用志專則其源不窮耳目所得非自得也作省身八箴

曰明善惡密去取不苟笑不妄語慎若思遵汝止克己私復天理又作善惡二箴置座右應聘為邑訓導營別業迎養二親盡孝居問指書櫃語人曰吾治生無長物子孫藉此有興者一日命肩輿往母墳所且拜且辭不數日疾革或問所欲言命扶掖端坐朗誦朱子小學題辭一過而卒學者稱為快軒先生 萬歷志

蕭諶字一誠千秋鄉人年十二通經史倜儻有志節初授萬安縣學教諭龍溪書院山長南康路照磨江西竊發嘗移書諷憲使韓準并作條嘯吟美忠義刺奸邪人爭

傳誦復陞奉訓大夫福建儒學提舉子尚克世其家治

志附贅菴先生行狀云先生諱尚字子尚姓蕭氏吉之泰和人也相傳為梁昭明太子統之後世居南康匡

泰和縣志

卷五

列傳

元

盧左山宋紹興進士直秘書閣左司諫右正言致仕左宣教郎提舉洪州玉隆萬壽宮諱勒先生之世祖也元贈奉訓大夫江西等處行中書省左右司員外郎追封飛騎尉永豐縣尹諱立道先生大父也元至正癸巳鄉貢進士累官奉訓大夫福建儒學提舉行樞密院參議諱諶先生父也祖妣封永豐縣君妣楊封永豐縣君先諱生有異質五歲即能誦古詩文過目成誦前輩多奇之暨成童隨父宦遊南康維揚浙省遇名公聞人即受學而提舉公遷官閩中時在憂道梗塞先生奉母家居益篤志問學大肆其力於經史百氏之書雖當兵燹擾攘之際未嘗一日廢其講習討論之功故凡天人之理性命之奧醫卜方技釋老之說靡不博采窮探以極其指要洪武壬子賓興有司強先生就試遂以書經擢江西鄉試第二明年上春官有旨免會試授給事中以目疾辭退歸鄉里偕其弟子穆買田築室於雲津江口以養其母假館授徒於仙槎尹氏承學者稍進洪武己未首被賢良徵詣京師尋丁內艱去明年往闕中省庶母雷於延平既歸從遊之士戶履常滿庚午秋聘為福建考試官癸酉復典廣東文衡所收多才士當時稱賢主司甲戌之歲天子做石渠故事召天下名儒二十有二人考校經書先生實與其列留翰林凡兩閱月屢承顧問恩遇甚隆歲丙子復考試於湖廣自是臥疾於家雖

幅巾衣履非弔喪問疾不出門日取書懷袖間吟誦而樂之無饑寒之色性嗜酒不能常得歲授徒里中諸生多爲致之每旦坐堂上爲諸生講說旨義各得其所通者精易卜時爲人決得失進退如響而不爲襍祥變怪之說爲詩文率口占以授意到或自書之然不喜著稿故多不傳年六十三以疾終

劉職方集按楊天與劉志採職方集中澹觀先生傳補入道光志

劉職方集按楊天與劉慈父業師也林志不載通

劉楚蘭字芳叟父繩武宋亡隱居講學學者稱琴軒先生楚蘭其長子也至元初舉茂才授建昌文學陞吉水教諭以親老辭歸益肆力於學尤深於易壘土結茅名玩易齋其後攝鄉校親承議論者悉有宏益世稱深林先

泰和縣志

卷五

列傳

正傳元

三

生 海桑集

陳新字以新西城人新淦州判既歸省監州達正道辟守州之東鄉時援少食盡堅守不去被執抗節死

通志

曾貫字傳道城西人由鄉舉任紹興路照磨著周易變通四書類辨庸學標旨數卷傳於時應達監州辟禦龍泉寇戰於觀背死之

宏治志

康震字宗武從吳草廬澄劉申齋岳遊應薦爲益陽州慶州書院山長秩滿以親老告歸家富好士作匡山書院館穀四方學者達監州之守州也震力助焉參政全子仁率師東下糧械取具大家震亦傾貲爲應會熊天瑞八寇匿重嵯三日不食死有思治集藏於家

萬曆志按新志震

世居紳溪後徙路溪高坪通志匡山書院作莊山蓋音訛也

蕭景字思賢仙槎寺下人景性孝友美髯目光如電腰大數圍會捐田易鄉人侵陂三所溉田數百頃利及一方全子仁至縣景投牒出貲築為五里營有假佛號亂者伺出斬之衆心攝服論功授萬安尉景曰以亂微功可乎不爰萬歷志

朱思忠字孔厚古平人少負氣元季恐有變白監州達正道為保障許之即倡義領兵扞賊芻糧兵器皆自備鄉里無事全子仁承制署尹興國卒於家宏治志

蕭宏量梁瑞甫俱高行鄉人收養壯丁自給糧械奉達監州令防禦早禾市西北民賴以安萬歷志 按萬歷志 梁瑞甫作梁睡甫今

泰和縣志

卷五

列傳

正傳

三

從康熙志作瑞甫

曾慶道字道峯匡原人博聞強記長於史學又善技射佐趙軍頓兵石壁斫賊數百陷陣死康熙志

曾以文慶道長子痛父被難請繼父職衝鋒追殺腹背受敵死之康熙志

楊復亨曾官典史與曾貫曾以文同死龕村康熙志

曾伯昂本姓劉荷山人亦同十義殉難者乾隆志

按萬歷志招義傳云監州達正道時寇陷吉安所在無完城監州獨以招義兵固守當時有所謂曾伯昂等十義士者今其事皆逸亡且莫得而詳其姓氏矣問諸故老所傳者東鄉則有陳新康震蕭景朱思忠西北鄉則有曾貫蕭宏量梁瑞甫其最著也康熙志云唐稱十義士以曾伯昂為首心竊疑之而苦於無徵及閱蕭正固送會伯川序謂伯昂從軍海上卒能全身保家又解大紳作楊子將墓誌銘言伯昂為仇所逼走袁州子將送

之百里外得免及梁侍讀為伯昂銘言伯昂本姓劉諱顯荷山人清江簿楊介之婿壯而精悍彎弓馳馬以此自豪元末盜起散金帛聚鄉勇保護一方參政聞其名辟佐戎幕托疾歸後以事戍贛改戍遼東十二年而歿又十五年始携骨歸葬於洪溪據此則伯昂雖同挺身禦寇未經死難然唐志以伯昂為十義之首諒非無考義同則死亦宜同祀矣故兩載其說以俟參考 乾隆志

楊介字公望景行子廕補清江簿會朝廷造鈔徵料墨監州達理馬識禮募兵保障辟介率兵戍王山介嚴約束寇不敢犯未幾陳友諒兵至令錄寓官備用介曰苟有見汗辦一罵以死耳遁跡山中鬱憤而死 人物志

曾耕字存翁城西人兄貫元季亂死於寇耕以母喪哀毀

死鄉人語曰兄為忠臣弟為孝子世教所關死猶不死

萬歷志 按萬歷志又稱舊志載耕以書經中乙榜授瑞金縣學教諭考科錄無其名

泰和縣志 卷五 列傳 正傳 三

按康熙志十義士者陳新曾貫康震蕭景朱思忠蕭宏量梁瑞甫曾慶道曾以文楊復亨而唐志以曾伯昂為首則又不能無辨也元至正間紅巾賊起迎韓林兒為帝攻陷州邑羣盜蠡應於是詔徵天下義士捍衛其地時監州達正道判官趙友直徵選才勇分領禦隘賴此十人奮身擊賊護保州城故署名忠義之邦宏治志十義士皆畧而不傳蓋元載以議姻一事有憾於曾所謂以私揜公也青螺大記亦止載陳新曾貫其事未詳萬歷間唐曙台遍搜十人僅得其八猶出父老傳聞疑信相半余思忠義之邦由十人得名不應終沒人間刻意訪求又得曾慶道曾以文楊復亨三人一見於蕭正固合傳一見於曾育家傳正固乃明初徵辟曾館於龔村悉見而知之育為慶道嫡裔稽諸宗譜諒無訛筆參之前志共得十一人矣顧伯昂始末別有考據疑非同時死難然舊志所記究亦不敢逸其名噫宋有六忠元有十義建祠祀之莫不興起今仍之 乾隆志

楊美字子將性至孝元末寇入西昌季父遇害美俟退趨

還掩葬為寇所執索窖藏美曰本儒家實無窖藏所不出走者以叔父耳寇義而釋之奉親竄伏山谷採拾為

養二親繼沒竭力營葬既而避地袁州會亂初定憶父沒時有改祔之命卽奔趨還葬啟母曠失一指骨徧求不得號痛幾絕夜臥墓側夢一老父告其處寤而求之竟得人以爲孝感美事母胡生母嚴一體故二母聚處

甚懼美雖教授未曾曠定省生徒相戒以爲法云

萬歷志

按萬歷志又稱美八歲能詩嘗與諸兄夜賦祖待制例約先就者退美先就然必俟俱乃出待制覺而詰之曰不可先兄待制益異之邑陳海桑鉅儒也待制遣從之遊陳曰吾門中鮮比以其弟之女爲女妻之道光志

尹成立字能敬元季之亂母弟被虜相失成立以善卜避免乃佯賣卜軍中求母幽憂飲泣至瑞州新昌有軍人送還其母貸金一斤謝之乃又榜求弟所在偶奔告者卽携金二斤俱往果又得弟歸弟異母弟也時方十一

泰和縣志

卷五

列傳

正傳元

五

歲母弟生還聞者嘆賞事詳烏斯道傳

萬歷志

鄧學詩字崇雅鄧神童五世孫元季寇入西昌負母劉氏逃途遇賊斫之幾死繼寇至見母哭其傍憫之傳以善藥又解衣覆之久乃蘇最後復遇渠寇知其儒者口占一詩命之和約和得不死詩曰頭戴血淋漓負母沿街走遇我慈悲人與汝一杯酒我亦有家兒雪色同冰藕亦欲如汝賢未知天從否學詩應口和曰鐵馬從西來滿城人驚走我母年七十兩足如醉酒白刃加我身一命懸絲藕感公恩如天未知能報否渠寇喜予酒肉又遣人導出城明初以薦授固陵稅課使持廉施寬商賈爭出其市秩滿徙平陽晚喪明遂引歸號疾退子貧甚

邑教諭陳士希為備後事有詩集若干卷

萬曆志

子傳云疾退子泰和人少時豪邁穎敏於時又以盲廢故自
號曰疾退子疾退子泰和人少時豪邁穎敏於時又以盲廢故自
世祖復之宋神童也疾退子少時豪邁穎敏於時又以盲廢故自
阿匿下於人故所交多一時名士其仕也雖卑官甚廉
及廢而歸也貧益甚又盡喪其妻于且老矣練裳草屨
低徊蓬蒿之間巡除卓杖歌聲激乎霄漢然時遇事不
平猶拊膺憤然人望見多引去避之獨所為歌詩人得
之無不愛也自顧無所為於世乃推衍邵子先夭數術
以測人之貧富窮達壽夭亦陰以驗其人之賢不肖或
得其似焉輒以自笑而喜口固不言也然疾退子尤數
奇兀亂時嘗與其母俱陷賊中疾退子被傷死道上氣
方屬遇他盜隣之擣炭為屑以藥其瘡裂衣以蒙其首
氣始留血淋漓被面上又負其母四顧甚急忽遇賊帥
遣出城眾異之以其為孝感也疾退子平生所遭窘迫
如此又窮獨終身此豈非命耶蓋人情有不能堪者而
疾退子視之泰然古所謂知命者其疾退子不能於乎世
之耳目聰明享有百祿意無不得獨其中不能泰然如
疾退子者抑獨何也疾退子姓鄧字學詩云西昌人鄧氏
父楊士奇贈疾退子傳云疾退子者吉之西昌人鄧氏

泰和縣志

卷五

列傳

正傳

重

鄧故西昌儒童復之其五世祖也兄子方及弟
子靜博學雄文為鄉碩師號二鄧其伯父也國朝四
川鹽運司經歷崇志以文學德操與楊子淵羅子理齊
名稱楊羅鄧者其兄也疾退子名學詩字崇雅有孝行
元季之亂安成寇卒入西昌悉殺掠母劉氏老病不能
行負之走避隘巷空舍中踰日寇窮索獲之解所懷金
得免繼復有獲之求金已盡矣斯之幾斃繼又有寇至
見老母哭其旁甚哀憫之予善藥傅之解衣覆之久而
蘇起負母走避他處道遇渠寇詢知其儒者憫之予酒
肉又為詩嘉之遣其下導出城使遠去疾退子少好學
負才具有世之志謂功名可以倪首取其父母亦矜
詭其不凡曰是必復振吾宗者皇明既定天下御史劉
昭先知縣事以材舉江西行省留為宣使則慨然嘆曰
士當局促效奔走人階庭下哉即謝病歸無幾縣復舉
送於朝授固陵稅課使忻然曰乘田委吏可以行道到
官持廉施寬商賈爭欲出其市所入貨羨舊額數倍秩
滿徙平陽持已愛民如固陵甫再歲兩目發內障喪明
郡以聞命致仕歸則戚然傷其命之窮也自號疾退子
疾退子耿介修潔氣听軒豁不屑意生人事為文章長
於詩早喪妻無子既罷官歸輒貧無侍養者時里中
故人親友好義長者往多在西往來飲酒談笑相權爭
延致之疾退子扶童如日東西往來飲酒談笑相權爭

爲歌詩以自適縣令丞皆知而禮之疾退子亦數出直
言以禱其政之闕故疾退子雖廢於盲而其所以適於中
者猶不廢也歷三十餘年向之故人親友及好義長者
或死或遠出外里後生晚出雖以士名有不能寃知疾
退子平日矧令丞乎於是疾退子已八十餘氣力益衰
貧亦甚冠帶垢敝十數年不得易衣薄歎歎嚴冬不能
出門戶然其所操執益堅不屈人片語不合拂袖去不
顧不肯一毫脂韋澳忍狗人以求所欲孔子云歲寒然
後知松柏之後凋疾退子非其人與建甯陳士希爲縣
文學獨愛重疾退子官滿將去念疾退子將無以爲終
也倡率素所還往者爲備歛葬之具迺去自士希去知
重疾退子者加鮮矣今有人焉卒起旦暮之間其勢鉅
貲厚足以蓋一鄉不必其有德卽一鄉之人奔走阿附
之恐後至於疾退子則漠然如秦人視越人之肥瘠何
趨向之異乎古哉蓋又有以盛衰存沒爲戚疏而施諸
其同氣者非獨於疾退子然也然疾退子之爲人世其
可少乎

東里集

尹存仁字安所洪富人甫冠侍父善卿客汴父卒適江淮
兵起不得歸藁葬旅次廬墓三年負骸以歸道數遇賊

泰和縣志

卷五

列傳

正傳

美

皆義而釋之既抵家隱居養母友愛二弟子天傳讀書
能文累辭徵辟以終養祖母鄉族稱其慈孝

蕭顯聞王山人宋登仕郎功濟五世孫與弟繩武好讀書
有大志家素富建義倉歲濟貧乏設義塾延明師以教
四方學者至正間以茂異徵授星子縣學教諭尋兵興
監州達正道命集義兵控制州南三鄉與清江簿楊介
協謀守禦仍盡出私帑以給軍用三鄉之民以安州上
其事省府檄顯聞爲安福州同知繩武承新州判未幾
參政全子仁至太和征求苛刻顯聞厭之且知天命有
在疾赴江東歸附於是繩武及其二子遇害沒其產業
明初顯聞妻携二子訴寃其產得還後子用昌復以獻

於官歲久田多荒蕪其孫琥迪倣聞於朝遂蠲其額萬

陳煥章父存道卒於兵煥章負骨還葬芝產東圃者三已
而子孫科第人以爲孝感 康熙志

泰和縣志卷十五終

